

宋

會

要

全唐文

宋會要

辟

高宗建炎元年十一月六日詔應巡檢縣尉刑獄官關

許令提刑司具名奏辟一次文獻通考高宗建炎初兵

東經制使及安撫使亦辟大使得辟置將佐官屬行在五軍

并御營司將領亦辟大使臣於是負才略武勇者或

以替防從戎或以布衣授官入幕不可勝數而諸道郡

縣自戎馬侵軼盜賊殘擾之餘官吏解散諸司誘人填

關皆先領職而後奏給使身於是有江浙州郡守將皆

軍興之合參部者競趨焉朝廷論患之乃下吏部盡令改正

使歸部依格注擬除陝西五路兩河兩淮京東等路經

略縣尉刑獄官關許復刑司具名奏辟巡十二月十五

日中書省言昨降赦文許諸路監司郡守辟官今辟遇

員數已多有妨吏部差注詔除陝西河東路帥臣許依

元得指揮及依條令舉辟外諸路監司郡守依故辟官並
罷其諸路合使窠闕除四川外權歸吏部 二年八月

二十八日詔内外官司合差辟人幹辦事務者止得於

閑居待次官內選差其見任官被諸處官司差辟不依

常制輒承受而離任者科以棄城逃違或擅去官守之

罪 三年六月一日詔今後如係吏部窠闕及非奏辟

去處並不許奏辟以臣僚言監司州縣所吏部窠闕指

去從請求者則以委有材幹為稱滿長奔競沮 四年五

月十五日權知信州陳机言魔賊嘯聚上饒等縣巡檢

劉昌驍口巡檢羅抑奮不顧身戮力戰死兩塞土軍闕

官部轄劉昌有親姪承信郎義羅圻有子承節郎鎮各

未有差遣已依便宜差權兩寨巡檢今乞差填正任從
之 二十二日詔京畿湖北淮南京東京西州軍並分
為鎮應管內外州縣官並許辟置內知通令帥臣具名
辟奏朝廷審量除授文獻通考曰四年臣僚上言南渡以
浙閩廣婁路而己朝廷既侵宇未復官游之所購晚者江
司又奏辟其親舊貴游子弟稍用吏部關員而提領安撫
輒得使地占善關凌邁越無復資格長奔競之風塞
寒使之路臣謂大郎守倖及軍旅之事或須擇人任使
曹使有司以法授之如郡縣嘗經兵燬吏部榜關無願
就者却許權行辟舉從之起居郎朱震言方今經營荆
楚控制上流遠方之民理宜緩急如聞峽州四縣多用
軍功或各州官關委安撫奏辟從之紹興元年五月
其害願取各州官關委安撫奏辟從之紹興元年五月
十六日臣僚言淮南新經殘破州縣官多不願赴而中
原南渡士大夫僅脫兵火者流寓江浙湖廣間今歲米

價增貴饑而殍者十八九乞令自一命以上願注淮南
差遣者許於遂路宣撫司自陳量材受職先次赴官具
名申給竹身從之 七月三日詔應授堂除及辟差人
赴任日令本州取索脚色勘驗如礙本貫不得放上

十二月二十日詔江南東路殘破州縣鎮酒稅務多是
權官類為簡可從轉運司奏辟監官一次 二年四月
二十三日詔諸路官司近將不理選限官作應出官人
蒙昧朝廷舉辟差遣或一面差攝職任令吏部行下諸
路並罷如有應奏辟官並仰取索出身以來文字照驗
詣實保明違者三省取旨重行黜責 六月二十八日
福建兩浙淮東沿海制置使仇愈乞差官屬詔於見任

得替待闕已未參部文武官內辟差與理資任月日將
 來結局許還任赴官文獻通考紹興二年呂頤浩以下
 文武七十人言於上曰尚書李彌大秘書少監傅岳卿預
 馬而李彌大言於上曰尚書李彌大秘書少監傅岳卿預
 朝廷今過園幸無他漸浩不宜輕動且臣為都督未嘗離
 非願浩可辟請於諸軍悉置軍正如漢朝故以祭官即
 為之陛下必欲遣臣詣與松卿別為一司專伺其過失
 以開彌大遂改命呂頤浩又言督所屬官不限員數徒
 以開請謂廉祿廩請以人為準備差遣辟文資以準備差
 辟武資臣各以十五人為準備差遣辟文資以準備差
 所監司辟官撓奪部注朝廷不能奪銓官不違屬絡
 使一郡之中兵官八九員一務之中監當六七員孰祖
 宗朝殆三四倍存無事之官食至重之祿生民安得不
 重困乎請初有司裁省其闕不得已則舊闕以祿界之
 奏可自今已就辟差理資任者毋得擬舊闕以祿界之
 三年正月二十五日詔諸路安撫大使鎮撫使安撫使
 司舉辟官屬令逐司就便取索所辟官出身以來文字

歷任等照驗詣實一面審量乞於狀內開說已審量文

字名伴結罪保明奏

群 先是官爵濫冒朝廷曾降審量指揮或者慮其迂迴故有是命

二月六日詔饒州去江至近及所臨鄱陽湖為要津特

許差辟幹辦公事准備差使各一員幹辦防守 六月

十七日詔昨降指揮浙西安撫大使司許將準備差遣

差使不限文武通融奏辟其江西安撫大使司并江東

浙西安撫司準備差遣差使並依此 十月十一日中

書門下省言四川帥臣監司知州軍及文武臣知州通

判自來並係堂除其餘窠闕各係逐路轉運司擬注及

安撫茶馬等司奏辟近緣宣撫處置使司盡以便宜辟

差有違舊制致使寒士久不得祿詔帥臣監司每遇有闕

令宣撫處置使司每一關具奏兩三人聽旨除授其餘
堂除及安撫茶馬等司奏辟窠闕依已降指揮選差其
元係逐路轉運司擬注窠闕仰轉運司依舊法施行如
遇軍興緩急州縣官有不堪倚伏之人仍許宣撫處置
使司差官對移各不理遺闕 十一月六日吏部侍郎
陳與義言諸路監司郡守昨緣州縣闕官數多各申請
許行辟官指揮吏部即不曉闕差注若經隔歲月奏辟
不到則虛占窠闕兼本部待次選人數多理宜措置今
欲將荆湖兩路見闕及過滿去處并已差人違限不赴
窠闕便從本部依條差注其餘應申請指揮許行辟官
去處已過往來程限外更限兩月如仍前奏辟不到或

雖曾奏辟而不應格法亦從本部差注

內帥司及專降

差辟屬官或準備差遣主管書寫機宜

其限內辟到官

令進奏院即時具所辟窠名申本部照會更不使闕若

出限並不許奏辟庶幾不留滯待次選人從之又獻通

勅不曾經吏部注授參選及雖有請受應之類而別無

省部手照文字人明勅諸路監司郡守並不許奏辟差

遣四年三月二日詔諸路帥臣監司郡守今後奏辟官

屬並令所舉官錄白付身印紙各委本州通判取真本

覆實結罪保明繳連申奏如應參部之人方行給降付

身以絕偽濫之弊 四月十三日知澧州孫世顯言本

州累遭殘破州縣闕官乞許辟差一次以二年為任任

滿無遺闕與轉一官選人比類施行在任官如有應辟

乞與通理權過月日庶幾有人願就可以選使從之

五年二月十六日

詔諸帥所辟屬官如才行顯著能協

力裨贊仰三省樞密院具職位姓名取旨陞擢

三月

八日中書門下省言川陝諸路監司守貳以下除授差

遣昨緣道路阻梗並聽宣撫司差辟今道路稍通理合

悉循舊制詔川陝監司知通去替一年令轉運司具狀

申尚書省餘並依八路舊法差注 六月十日起居郎

朱震言方今經營荆楚控制上流遠方之民理宜綏撫

如峽州四縣夷政陵遠安宜都長陽兵火之後多用軍功

或胥吏攝知縣攔頭補監稅剝膚椎髓民無告訴乞取

峽州荆陵府荆門軍公安軍州縣官闕令吏部破格差

注或委安撫司奏辟一次庶幾荆湖之人得免塗炭吏部措置峽州江陵府荊門公安軍州縣窠闕除知通依先降指揮令帥臣具名奏辟朝廷審量除授外其餘窠闕乞令本路安撫司舉辟一次其曾充胥吏攔頭等人雖已補官不得舉辟及權攝差遣如違各科以違制之罪從之 六年六月二十九日江南西路安撫制置大使李綱言江西一路去歲旱暵及虔吉州盜賊連年作過全賴州縣官撫摩討捕其州縣官有事故闕員去處乞許差辟一次其老疾疲懦不職之人乞許就本路擇能吏兩易其任各通理前任月日其虔吉州知縣乞依省罷法許別行奏辟從之 三月七日詔新授吉州軍

事判官權虔州龍南縣事唐稷治事有方於民無擾可與正差從知州事韓昭請也文獻通考六年詔諸道宣所辟官以二年為任期願留再任者取旨自兵興七年二月所辟官有吏十年不願退者故條約焉十三日詔今後應諸處辟官差遣並令中書門下省籍記所辟人姓名如任內犯入已贓徒以上罪其奏辟官取旨行遣九年四月四日詔廣南西路提舉買馬司準備差遣一十二員元係差大小使臣內特許辟差文臣四員從本司請也六月四日太尉武勝定國軍節度使湖北京西路安撫使岳飛言湖北京西路先為累經殘破其州縣官無人願就蒙朝廷許臣辟差今已復河南其兩路並係內地自復差官欲乞從朝廷差注從

之 十二年五月四日權工部尚書莫將等言監六部
門依已降指揮六部長貳奏辟切見左朝請大夫程元
允委有材幹可以倚仗乞充上件差遣從之 六月一

日成都府路安撫使張燾言成都解在一隅去行在萬
里所辟官屬少有願就之人乞依四川都轉運使李迨

例各與轉一官仍與支賜從之 十三年四月五日詔

應非合舉辟窠闕而輒行舉辟或言舉而不即具奏者以違制

論其被舉之官不候得報而輒行赴上者請給四兩納從

吏部請也 十八年十二月二日詔應四川命官如未

經換給付身并不許奏辟并令權攝差遣初詔宣撫司

經換給付身并不許奏辟并令權攝差遣初詔宣撫司
攝自庚前旨都大提舉茶馬韓球乞加禁約故有是命

二十六年閏十月二十六日詔見任及已注下知縣縣
令人今後不許諸處奏辟 十二月十二日大理卿張
杓言乞將四川見奏辟縣令去處盡歸銓選按格法差
注從之 二十七年九月二十五日夔州路安撫使周
執羔言夔州路城堡屯駐兵馬控制諸蠻並無正官已
降指揮令逐路帥臣依條選辟少有應格之人乞從本
司不論資序選年未六十付身圓備曹歷邊任或經依
條權攝一年以上替罷別無透漏及應材或無過犯曉
諳夷情大小使臣具名奏辟詔依仍不得奏舉出職吏
人并初任人 二十九年閏六月七日吏部侍郎沈介
言諸路帥監司及諸州縣應合辟差小使臣校尉去處

往往將付身不圓及有過犯不合參部之人權攝虛占
窠闕今欲除公邊主兵官許依舊外其餘取到窠闕共
四十員乞依見行條法差人其見任并已差下人曾正
授朝廷付身許終滿今任如有違礙即行改正從之
十一月二十九日知金州王彥言管下六縣係是極邊
其縣令並係選人往往憚於遠涉無人願就乞不限文
武官選擇辟差一次從之 三十年五月二十七日
吏部尚書周麟之言依條八路定差權注見闕而勘當
應差者所權月日聽理為任舉主仍許收使係奏舉官
雖不應注而各已成資者亦許理為資任續承紹興二十
七年六月十日旨揮係都大提舉恭馬司奏辟員闕及

本司一時就權之人在任雖成資亦不許理為資任其
間却有轉運司同茶馬司奏辟去處若在任成資如係
轉運司合使員關乞許理為資任從之 十一月七日
江淮荆浙福建廣南路提點坑冶鑄錢司言乞辟置韶
州岑水場幹辦公事一員從之 三十一年五月十五
日詔建康府特許添辟通判一員從判府事張浚之請
也 七月四日知化州廖顥言二廣諸縣多是尉兼主
簿間有闕正官處多是差攝官權切詳簿尉各有專職
闕一不可今乞將二廣諸縣無主簿處添置主簿一員
却於本州咸指使一員內雷化高容廉等州有盜賊去
處其縣尉窠闕乞差有材武使臣或無正官令帥憲司

同選使臣差權即不得差攝官又化州管內有零涿茂
暉兩場各係產鹽地分一歲鹽額凡八百餘萬斤兩場
自來無正監官止令廣西轉運司同從舉鹽事司辟差
或差官權攝但苟利祿不肯留意職事今乞將化州零
涿茂暉兩場鹽官令吏部差注使臣如出關兩季無人
願就即送下廣西轉運司依格定差詔令吏部看詳申
尚書省 八月六日詔四川宣撫司添置主管機宜文
字一員從本司選差候事簡日罷撫司四員制置司二
員自李璘為使日減罷至是宣撫使王剛紹興三十二
年七月十七日李宋即即位未改元張浚言兩淮兵火
之後關官處多欲望許令宣司辟奏一次從之 隆興

元年三月十六日中書門下省言行在戶部贍軍諸酒
庫監官欲令點驗贍軍酒庫所依舊辟差總領四川財賦
軍馬錢糧所四川安撫制置司利州東西路安撫司金
房開達州安撫司官屬欲令逐司辟差應內外諸處有
專法指揮辟闕欲令依舊從之 二年十二月十六日
德音赦楚滁 廬光州盱眙光化軍管內并楊成西和
州襄陽德安府信陽高郵軍勘會逐州軍因被檄及移
治離任官吏已降指揮限五日還任今來人馬已退民
戶漸次歸業全籍官吏招集撫存尚慮稽違可令本路
監司催促回任有不職之人令守臣銓量 逐公廉能
吏不以有無拘礙許辟差一次 乾道元年正月一日

南郊赦應四川二廣奏辟定差通判以下差遣先次就
權之人任內開破過應在官物及赴辦經總制無額上
供酒稅茶息錢已及賞格如不該差注更不推賞緣已
用心赴辦切慮無以激勸因而失陷官物可並與依正
減半推賞 二年三月十三日詔今後二廣縣令闕正
官一年去處許本路諸司奏辟不得差官權攝 九月
十三日四川安撫制置使司言嘉州峨眉犍為兩縣今
後於本路都鈐轄司同提刑司選辟諳練邊事合入資
序人充知縣吏部勘會嘉州峨眉犍為知縣雖是本路
運司定差窠闕緣並係邊縣欲許本路諸司選辟從之
三年八月八日詔令四川逐路帥臣監司審實繁難縣

分保明申尚書省於本路目今應有見闕知縣令公共
辟差經任無過犯人一次申朝廷給降付身從臣僚之
請也 四年六月二十四日新權發遣容州楊堯弼言
乞將廣西闕正官州縣特破格差注一任仍許本路三
司公議奏辟惟不辟贓私罪犯若三司辟書到吏部已
差注即將奏辟圓備之人代省部已差下人從之 六
年七月十六日工吏部狀准批下許子中申勘會舒州
同安監鼓鑄鐵錢所用鐵炭浩瀚乞置官屬兩員專一
往來尋踏苗脉興發及點檢起置事件今勘當欲依所
乞差置一員從本所踏逐文武官內辟差從之 八年
正月九日樞密使四川宣撫使王炎言欲將夔利兩路

合注京朝官知縣兩季無人願注案闕依元旨破格差
注令緣資序以上及經任有舉主無過犯人如再經一
季以上無人注即許逐路帥司公選經任無過犯人辟
差庶川遠縣邑得人濟辦從之 三月三日詔復置滁
州司法泰州海陵縣主簿真州揚子六合縣主簿通判
金沙餘慶鹽場巡檢並令逐州申監司保明辟差一次
九月二日紹興府言近申明諸暨縣楓橋鎮改立為
義安縣乞辟差縣令丞主簿兼縣尉將本府監都鹽酒
比較務雙員各減一員并減贍軍酒庫監官一員主簿
兼縣尉許辟差選人一任外知縣丞乞於見任待闕京
朝官選人不以有無資格拘礙辟差一任日後從吏部使

闕從之 九年正月二十八日知楊州淮南路安撫使
王之奇言淮西帥司省罷官屬乞依葉衡知荆南已得
指揮許別行辟差從之 八月二十六日權發遣蘄州
提領鑄錢韓煥言奉旨令分舒州同安監歲鑄鐵錢一
十萬貫申乞差知監官一員准惟旨揮就差蘄春知縣兼
管契勘所置監係在蘄口鎮自州城往來即須三日蘄
春知縣難以兼領伏望詳酌許令選差一員奏辟從之
十一月十九日詔自今諸路官非有著令及有原降
指揮者不得創行辟差其合辟差者並須悉應條法方
許放行間有見闕須是委無差下替人方得舉填即不
得已差下人替所辟人闕其妄有申請者委御史臺察

舉重加懲治

宋會要 召試

太祖乾德二年正月十日祕書郎直史館張去華上章
訴居官久次且言祠部郎中知制誥張澹及祠部員外
郎知制誥盧多遜殿中侍御史師顏等文學膚淺願與
校其優劣帝臨軒策試命翰林院學士承旨陶穀學士
竇儀吏部尚書張昭知制誥趙逢高錫考其程試以澹
所對不應策問責授左司員外郎擢去華為右補闕賜
襲衣銀帶鞍馬 開寶三年五月二十一日前揚州高
郵縣主簿郊頡獻所業文召試學士院授右贊善大夫
七年五月七日布衣齊得一以密州上言能講五經
喜教授鄉里士大夫子弟皆就而肄業布衣蔬食不樂

邱

仕進召試舍人院策八等命為齊州章丘縣主簿 太

宗太平興國七年正月十四日元帥府長史元象宗上

章求試詔學士院召試內外制數篇命為衛尉少卿象

宗錢俶之婿淳化元年七月二日殿中丞尹畋上表獻

所著詩賦雜文五十軸令學士院召試用何道使民知

礼節論命為太常博士 二年九月二十七日著作佐

郎李建中令學士院試詩賦命為殿中丞 真宗咸平

三年五月十五日右神武大將軍錢惟演獻所著文及

咸平聖政錄召試學士院命為太僕少卿七月六日祕

書郎陳彭年學士院試論詞理中上等命為祕書丞

六年正月十六日河陽節度判官張知白上疏言事召

試舍人院命為右正言 景德元年二月六日同進士
出身柳察獻所著擬白居易策問七十五篇目為贊聖
策林并續丹宸箴五篇召試策論凡三千字授楚州團
練推官察前以獻文得試學士院賜出身至是再有所
獻故以命之 八月十五日饒州浮梁縣主簿李慶孫
上書自陳日能為十賦命中書召試之雖至晡成文而
荒淺無取帝猶獎其敏以為南康軍判官 景德二年
十月二十四日太常寺太祝宋綬奉禮郎邵煥並召試
中書命為太^大理寺評事綬年十五煥年十八前一日內
出姓名付中書帝嘉其敏贍並命遷秩仍令綬讀書于
祕閣 二十六日童子出身重軻獻所業召見詩賦命

為祕書省正字 三年八月十七日前隰州溫泉縣尉
楊操上書求試命中書省召試詩賦各一首稍有可采
特免選升兩賢 四年八月十六日神勇指揮使李綰
男習進士玠獻所業文賦帝覽其文理頗有其可采者
送樞密院考試以聞翌日以所進呈粗合程式帝曰將
校之子當補殿侍觀其修學若勤而不止必有所成可
諭之令依例赴舉 大中祥符元年五月七日殿侍三
班使臣侯魯進大中祥符頌詔樞密院試補三班借職
魯累上封章以誕妄擯於外郡帝以其辯而知書錄
為殿侍至是復進文字頗亦近理詔樞密院試以時務
而命之 四年十月二十日京兆府草澤李遂良以本

路上言存心文學不求聞達召試中書命為試祕書省
校書郎復州軍事推官 五年正月十三日舒州錄事
參軍劉滋獻文求試召試于中書命為著作佐郎 五
月四日以前彰武軍節度推官解旦為著作佐郎均軍
參軍許洞為和州烏江縣主簿越州餘姚縣主簿李孜
為臨江軍判官祀汾陰歲邀車駕獻文者甚衆命近臣
考第之以旦等詞學可採詔試中書而有是命 天禧
元年九月十一日屯田員外郎杜詹召試學士院賦平
詩稍優祕書丞黃總賦詩俱平詔詹為都官員外郎升
總並升陟差遣 十一月二十一日前江州瑞昌縣主
簿劉若冲進所業命試舍人院以策論稍優特升兩資

先是若冲建言自今召試者並請試策至是用其議而命之四年六月十三日進士姚嗣復獻其父舒州團練副使鉉所纂文粹百卷召試舍人院命為亳州永城縣主簿

天聖元年七月二十八日大理寺丞李溥召試學士院策頌並平命為殿中丞五年二月二日衛尉寺丞李安石召試學士院策頌並平詔依舊充館閣校勘七月十二日前泰州軍事推官滕宗諒召試覺院策稍堪論稍優詔為大理寺丞依前知太平州當塗縣九月十二日太常博士李昭述召試學士院策稍論稍堪命為屯田員外郎七年五月二十二日大理寺丞王素

召試學士院賦詩平太常寺奉礼郎錢彥遠賦平詩落
韻詔素升陟差遣 八年八月六日祕書丞張遠召試
學士院賦詩平詔升陟差遣 十年六月二十六日祕
書丞監左藏庫鄭釐獻文召試學士院賦平詩稍堪命
為太常博士 明道二年六月五日鄂州進士李宗孟
年十二上書自言詔舍人院試所能帝嘉其幼且才命
為試祕書省校書郎 景祐元年八月十五日太常博
士施昌言召試學士院賦三下詩四上命為屯田員外
郎 二年七月三日屯田員外郎王素以判許州張士
遜薦有文藝命學士院召試賦三下詩三上詔與優便
差遣仍賜緋 十二月二十七日權常州團練判官閔

從周召試舍人院詩賦並四上詔循二資 寶元二年

十月五日大理評事徐師閔獻所業命學士院召試賦
三下詩四下詔特與親民差遣 康定元年四月九日

大理寺丞譚嘉震召試舍人院策四上詔換內殿崇班

十五日草澤盧覲召試學士^院策三下詔為防州軍事

推官權寧州判官 九月四日翰林學士晁宗慤等言

大理評事蘇舜賓敏學有文集歷代諫諍奏議之事成獻納大典一

百卷上之詔學院召試未有召試而卒 二年二月四日學士院試

郊社齋卽邱良孫策三下應茂材異等科邵亢策三上舍人院試

永興軍布衣宋昭策三下詔良孫亢並陝西初等職官昭陝西簿

尉七月九日學士院試茂材異等科龔懋進士華直溫策三上進士

張問策三下詔懋直溫陝西初等職官問科試將作監主簿 八月七日殿中丞苗振召試學士院賦四下詩五上詔升知軍差遣 慶歷二年二月六日光祿寺丞錢堽召試學士院賦四上詩三下詔與親民差遣 九月初等職官 三年五月六日屯田員外郎凌景陽召試學士院賦詩四下詔知和州 十一月七日舍人院試草澤黃通策三下張定方策四上姚光弼張紘策四下詔通試大理評事定方試秘書省正字光弼紘試將作監主簿 四年九月二十七日舍人院試進士趙仁修蔡若拙策四上詔若拙為司士參軍仁修三班借職

十一月五日太常博士尹源召試學士院論七首四上
三下詔與堂除知州 五年六月九日澤州進士劉義
叟召試舍人院策八等命為試大理評事 六年六月
二十四日權知威勝軍沁源縣薛恕召試舍人院策三
下詔除節度掌書記 七年六月十一日布衣劉絳以
翰林學士張方平等薦仍上所著皇極論召試舍人院
策中等命為試祕書省校書郎 皇祐五年四月十三
日學士院試供備庫副使李評賦詩論並四上殿中丞
宋敏修賦詩三上將作監主簿楊慥賦詩四下論四上
詔評換殿中丞敏修太常博士不隔磨勘慥太常寺太
祝評以魏國大長公主遺恩敏修以兩制上所著春秋

列國類纂慥以上父偁家集並命試 嘉祐二年九月
十六日霸州防禦推官劉純以宰臣文彥博薦召試舍
人院賦四上詩論四下詔與循一資 五年八月十七
日祕書丞田洸召試學士院賦三下詩四下詔轉太常
博士不隔磨勘優與堂除在京差遣 六年十一月二
十一日大理寺丞羅愷召試學士院賦落韻犯不考式
詔與知軍差遣更候一年轉官

英宗治平四年十月十一日神宗已即位未改元進士
黃君俞召試舍人院策論入等詔為撫州司戶參軍充
國子監直講翰林學士王珪等薦君俞博通經藝為諸
生景仰累被開封府優薦老於場屋兼據新及第進士

八月二十六日
以十九字
重文

許安世等百五十人狀及知舉官司馬光三人累有論薦欲望依李觀例除一太學或國子四門助教令就蓋說書庶幾激勸學者遂召試而命之 十二月三日布衣鄧子喬召試舍人院方畧中等詔補三班奉職 神宗熙寧元年七月七日詔布衣王安國賜進士及第仍注初等職官先是手詔安國翰林學士安石之弟久聞其行義學術為士人推尚近閱所著序言十卷文辭優贍理道該明可令舍人院召試試入第三等下故命之也 八月二十六日詔自今試館職並試策論罷詩賦 熙寧二年十一月一日尚書刑部郎中兼侍御史知雜事陳襄言近蒙授侍御史知雜事仍候知制誥有闕

與試乞罷與試指揮從之 三年七月五日賜大理寺

丞王欽臣進士及第祕書省正字唐垌進士出身欽臣以文彥博薦垌上書言事召對並試學士院而有是命

十月二十五日詔潁州進士常立試於舍人院以待御史知雜事謝景溫言立行義修潔昨預敦遣以疾不及試故也 八年閏四月十三日雄州進士焦渥召試舍人院策入等詔與試衙判司簿尉察訪使曾好寬言渥陳邊議可采召試中等特有是命 十月十三日詔

武學上舍生員曹安國依得解人例赴祕閣再試以武學言安國材畧可用故也 九年六月九日賜布衣馮正符同進士出身與試衙大郡判司或縣主簿尉以御

史中丞鄧綰奏舉於舍人院試中等也 二十八日詔

進士權武學傳授楊仍為越州山陰縣尉以仍獻兵說

可采令權傳授候一年與試至是舍人院試策復中等

故也 哲宗紹聖元年五月十三日左司諫翟思言熙

寧初除諸路學官與更置太學博士正錄雖有朝廷特

除然類令國子監長貳荐舉索所業攷第高下以次除

授復立試法以覈材實其進士發解省試廷試在十五

人內太學上舍內舍職事者並令召試不在此例許投

所業國子監攷覆方預召命雖取之甚難然一時所得

皆公義之所與元祐以來罷去試法特行除授請自今

除學官依舊法召試更不令自投所業在內許國子監

長貳臺諫官外則監司皆得薦舉上副陛下教養之意
三省言尚書侍郎學士待制及兩省官御史臺諫官監
察御史以上國子祭酒司業每歲許奏舉堪充諸路學
官一員須進士或制科出身年三十以上無私罪重及
非衝替人其奏舉到學官除元係制科及進士及第上
五人省試上三人國子監開封府廣文館發解第一人
或太學生舍生該出官免省試人更不試外餘並召赴
闕附吏部春秋參選入試凡試兩經大義各一道以通
曉經術文理優長為合格其舉試到學官中書省籍記
姓名遇有闕三省同選差從之 徽宗大觀四年六月
十三日詔江州進士王易簡召赴中書省試策一道

高宗建炎二年二月十三日詔中書省召試布衣先是
敕書許臣僚荐舉草茅材德之士至是令試策一道潭
州進士胡昭係第三等中與補登仕郎何烈係第四等
下江州進士王彥係第五等上撫州進士詹呈係第五
等下並補將仕郎內何烈策有數處稱臣緣係疎遠寒
不知體式特與一體推恩續因臣僚言改補下州文學
四年九月四日詔御史臺主簿韓璜令中書後省召
試策一道 紹興元年五月二十五日翰林學士汪藻
言准尚書省劄子召試館職其本院條令案牘昨因渡
江燒燬殆盡今省記到合行事件一試時務策一道一
試人合避祖宗廟諱預行告示一試前一日進所試題

試官鎖宿一試前五日關內侍省差內臣一員至日監門搜檢一告示赴試官預行納家狀試卷草紙一關儀鸞司預行排辦帳設一試訖實封諮報送尚書省施行一合依例差點檢錄事手分共四人行遣一有省記未盡乞比附中書門下後省見行召試等條例施行從之七月三日詔成忠郎楊球令中書門下後省召試策一道與換文資九月九日侍御史沈與求言伏見陛下追復祖宗故事間詔四方賢雋之士令中書省策以當世之務觀其所長或用之臺省或儲之館閣皆極一時之達若球者係蔡京使臣楊哲之子今為勅令所檢閱文字蓋吏職也考之衆論初不聞其有才夫以使臣

而為吏職乃得四方賢雋之士並試於中書他日或有
異能之士陛下即欲召之其肯至哉乞罷球歸於右選
自此以後精加審擇從之 二年閏四月二十九日詔
樞密院編修官舒清國御史臺檢法官晏敦並召試館
職 五月十二日敦復言去場屋逾二十年加以年齒
寢衰舊學荒廢乞罷召試詔別與差遣 十一月八日
詔虞灃除校書郎沈長卿李綱已辟差遣今赴任石公
揆別與差遣 是日上謂輔臣呂頤浩曰試館職人當
取實有文學議論若召試備礼非祖宗取人之意近日
三人試卷朕嘗親覽如沈長卿策尚懷朋附又不指陳
寔事朕不欲令供析頤浩曰沈長卿於題外別叙四事

皆是自外準備石公揆文詞荒畧惟虞灃答所問欲除校書郎其餘不可與選上然之五年閏二月二十八日詔右承奉郎徐度令中書舍人試策一道以汪藻等應詔荐舉故也六年三月十二日中書門下省言祕書省見闕校書郎一員而勾龍如淵係紹興五年正月二十四日降指揮召試館職今已試訖詔除祕書省校書郎十二月十八日中書門下省言樞密院都督府効士累陳利害備著忠勤占籍日久理宜旌別詔應見今行在所及行宮樞密院都督府効士並令附來年春試選人類試所試時務策一道分優平兩等考校具合格姓名申尚書省其試中優等人再令學士院召院訪

以時務文理優異者取旨推恩 七年七月二十九日

詔進士鄧酢上書陳獻利害文理可采令中書後省召

試時務策一道 八月二十四日詔進士閻夏所進六

論議論優長及召試中書後省文辭可採特與補右迪

功郎令閤門引見上殿 八年十一月四日中書門下

省言建州進士劉勉之已赴都堂審察訖詔令中書後

省召試策一道 十二年七月十七日詔吳璘子援令

川陝宣撫司召試策一道保明取旨與換文資

紹興二十六年九月十七日詔左宣教郎新差充為軍

教授任質言改差充諸王宮大小學教授質言先被旨

召試館職引疾辭免故有是命 三十年三月二日詔

今後除館職並召試學官依格選除更不召試先是臣僚言比來館職選用頗輕士有僥覲之心乞行召試令禮部討論典故有是詔七月十七日詔左軍教郎太學博士朱熙載左宣教郎諸王宮大小學教授劉鳳儀召試館職熙載儀鳳各以久去場屋乞免召試從之

孝宗紹興三十二年未改元九月四日詔左迪功郎方翥召試館職七日詔右從政郎曾燾令中書後省召試時務策一道十一日詔左從政郎太學政戴先達左迪功郎新國子正張宗卿左儒林郎大學博士何偁並召試館職隆興元年二月十一日詔左文林郎劉夙左從政郎鄭伯熊左修職莫冲並召試館職九月

十四日中書門下省奏左承議郎莫濟以中詞科第一
名諸王宮大小教學校省罷詔候館職有闕日召試
十月三日詔左文林郎王衡召試館職 十二月十二
日詔左從事郎唐仲友召試館職 二年閏十一月十
三日太學博士鄭升之劄子伏准尚書省劄子秘書省正
字欵望朝廷依例召試樞密院編修官范成大劄子先
准指揮候館職有闕詔試今忽被除目未敢安職乞檢會
召試指揮容成大就試待命詔鄭升之范成大並令引
試 乾道元年正月二十四日詔左迪功郎施師點召
試館職 二月十七日詔左宣教郎張恪召試館職
五月二十四日詔左從事郎胡元廣召試館職 八月

二十二日中書門下省奏左宣教郎新除祕書省正字
梁介狀除校館職例先召試乞敷奏許令先次就試詔
依 二年二月一日詔左文林郎施元之召試館職
三月十九日詔左通直郎黃鈞召試館職 九月十二
日詔左從事郎李遠召試館職 十一月四日詔左從
事郎閔耆孫左宣教郎范端臣並召試館職 三年六
月五日寄理左迪功郎員興宗左從事郎詹亢宗左宣
議郎劉煒並召試館職 四年十一月八日詔左修職
郎陳煥楊興宗並召試館職 十二月四日詔左宣議
郎蕭國梁趙汝愚並召試館職 五年六月十九日詔
左承事郎林光朝召試館職 六年二月二十四日詔

七年二月七日條
七年七月十日條
九年條上

左文林郎馮田召試館職 閏五月二十二日詔左宣
教郎丁時發召試館職 八月二十六日詔左修職郎
王希呂召試館職 七年七月十九日詔左宣教郎呂
祖謙左宣教郎蔡戡並召試館職 十二月四日詔左
宣教郎史彌大召試館職 八年十一月七日詔左迪
功郎陳自修左奉議郎蔣繼周並詔試館職 十一月
十三日詔左文林郎崔敦詩召試館職 九年閏正月
五日詔左宣教郎林柝召試館職 七年二月七日詔
左承議郎張纘召試館職

宋會要

名臣言行錄

太宗端拱元年正月八日中書召試大理評事羅處約
王禹偁帝自命題云詔直館更和所進賀雪詩稱賞序
一首履春水一首帝覽其文詔禹偁為右拾遺處約為
著作郎並直史館賜緋魚袋 六月二十日中書召試
殿中丞夏侯嘉正辨官論詔為右正言直史館兼直祕
閣賜緋魚袋 二年四月十六日學士院試祕書省校
書郎李宗諤詩頌詔充集賢校理以獻所業故命試
淳化元年三月十九日學士院試監察御史尹黃裳頌
詔為左正言直史館以獻詩賦雜文故命試 二年十
月二日學院院試殿中丞郭延澤贊善大夫董元亨唐

書漢書問目十道各通七詔並充史館檢討 真宗咸平元年九月七日舍人院試祕書丞孫冕雜文詔直史館冕監三白渠上書言事召入賜緋魚袋且令知制誥王禹偁試文命之 二年七月四日學士院試都官郎中劉蒙叟作樂崇德頌詔真史館先是蒙叟上言曰陛下已周諒闇方勤萬務伏望愈崇儉德謹守前規無自矜能無作奢縱厚三軍之賜輕萬姓之徭使化育被於生靈聲教加於夷夏且萬國已觀其始惟陛下謹守其終思鮮克之言戒性習之漸日謹一日雖休勿休則天下幸甚帝嘉納之召試而有是命 十七日舍人院試比部員外郎洪湛皇帝孝德頌祕書丞劉鶚審樂知政

頌詔湛直史館隲直集賢院湛前直館言事落職至是
求牽復隲補潭州從事過帝領本州節制因得謁見贊
文被嘉賞至是復獻編著故并試而命之九月三日舍
入院試祕書丞劉錯詔直史館錯右諫議大夫蟠之子
以門資授官舉進士登第至是帝中夜觀書因得錯所
獻幸太學頌嘉賞之且歎其幼孤能自立因出所獻文
示輔臣召試而有是命 六年二月三日命吏部侍郎
陳恕左司諫知制誥楊億試流內銓選中崇文院校御
書官前秀州軍事推官馮翊等一十五人內大名府主
簿劉筠等六人詞學稍優並於崇文院校勘依前官給
月俸其職錢及太官供膳依直館例先是命三館祕閣

取四庫書正本繕寫入內僅數萬卷館閣官校勘不逮
乃命銓管選進士及第無贓污者具以聞仍試可方預
此選士人榮之餘不合格者並送銓依常調 大中祥
符二年四月六日學士院試光祿寺丞晏殊賦稍優詩
平詔充集賢校理以獻所業命試 四年六月二十五
日學士院試秘書丞夏竦賦優詩稍優詔直集賢院先
是詔令兩制試而有是命 七月四日中書試著作佐
郎李垂前泗州軍事判官秦唐佐前河中府龍門縣令
王夷簡前許州鄆城縣尉劉爽前秦州興化縣主簿韓
義論各一首詔垂守本官唐佐為著作郎餘並為大理
評事仍並充秘閣校理垂等先奉詔重修天下圖經既

成命試而有是命 五年正月十三日中書試主客員

外郎丘雍詔直集賢院以獻文命試 八年四月二十

五日中書試監察御史李仲容詔為左司諫直史館仲

容條對御題稱旨召試中書而有是命天禧元年九月

十一日學士院試光祿寺丞王舉正賦稍優詩平大理

評事丁度賦詩稍優詔舉正館閣校勘度太子中允直

集院以獻所業命試 四年三月十三日學士院試秘

書省校書郎李淑賦詩優詔為守校書郎館閣校勘以

獻文命試 五年正月九日學士院試職方員外郎章

得象秘書丞程琳詔得象直史館琳直集賢院前詔兩

制舉詞學清素之士翰林學士劉筠等以得象琳名聞

故召試而命焉 二月十七日以光祿寺丞謝絳為
閤校理大理寺丞王質大理評事石居簡李丕諒大常
寺奉理郎石昭邁並充館閣校勘初兩制列狀薦絳等
四人丕諒即三司使七衡之子士衡上言願預黜拔之
職遂命諫議大夫李行簡知制誥宋綬試于國子監而
有是命十月四日以屯田員外郎潘洞充集賢校理殿
中丞潘汝士為太常博士直集賢院殿中丞洪鼎大理
評事蕭貫為太子中允並直史館洞貫獻文求試汝士
鼎從文學清素之舉 仁宗天聖元年二月五日學士
院試太常丞張觀策頌稍優秘書郎王整策稍優頌平
大理寺丞柳植策平頌稍優大理評事薛紳策稍優頌

平詔觀右正言直史館整太常丞植著作郎並直集賢院紳館閣校勘並以獻所業命試七月二十八日學士院試大理寺丞向傳式策平頌稍優詔充館閣校勘以獻所業命試十二月四日學士院試前鳳州團練推官彭乘策頌並稍優詔充館閣校勘以獻所業命試三年正月三日學士院試殿中丞吳遵路策論並稍優詔充秘閣校理遵路僉書江寧府判官以宰臣王欽若自江寧入相薦才命試九月十六日學士院試屯田員外郎鄭向策稍堪論稍優詔直集賢院以獻五代閔皇紀命試十一月六日學士院試太常博士王皞策稍優論優前楊州江都縣主簿王琪策優論稍優詔皞

直集賢院琪為大理評事館閣校勘先是琪上言時務
十餘事曰復制科禁錦綺珠貝置營田立義倉罷權酷
和糴行鄉飲藉田之禮公卿子弟入國學天下州郡設
郡學以貢士罷鬻爵令進士專習經籍及直五經博士
減度僧尼行閱武之法帝嘉之召議而有是命 五年
七月十二日學士院試大理評事宋郊策稍優頒優詔
為太子中允直史館 六年二月六日學士院試太常
博士高餗策稍優詔直史館以上所業命試 七月十
六日學士院試奉禮郎葉清臣鄭戩策頌稍優並詔為
光祿寺丞充集賢校理以上所業命試 十二月四日
學士院試大理寺丞范仲淹策稍堪論優詔充秘閣校

理以御史中丞晏殊薦命試 七年閏二月七日學士
院試將作監丞館閣讀書張友直詩賦稍優詔充秘閣
校理刑部尚書知江寧府士遜之子士遜前奏入館閣
讀書至是表求兼職侍行召試命之 八年十月二十
二日學士院試將作監丞王堯臣詩賦並稍優趙槩賦
稍堪詩平詔堯臣為著作佐郎直集賢院槩為著作郎
集賢校理 以上所業 命試 十年二月十九日學士院
試大理寺丞館閣對讀書籍呂公綽賦稍優詩稍堪光
祿寺丞館閣對讀書籍張子思賦堪詩低次詔公綽充
集賢校理子思充秘閣校理公綽子思皆以在館二年
特詔命試 七月二十八日學士院試著作佐郎趙良

規賦詩稍優詔充集賢校理以資政殿學士王曉薦命
試明道元年十二月十八日學士院試殿中丞宋祁
賦優詩稍堪太子中允韓琦詩賦稍優太常博士楊偉
郭稹並試賦稍堪詩稍優大理評事石延年賦平詩稍
堪趙宗道賦稍堪詩平江寧府上元縣主簿吳嗣復盧
州合肥縣主簿胡宿善賦稍堪詩平詔祁本官直史館
琦太常丞直集賢院偉稹本官充集賢校理延年宗道
嗣復宿館閣校勘琦獻所業宗道以父諫議大夫知永
興軍賀陳乞祁等特旨命試二年八月三日學士院
試太丞劉沆著作佐郎孫抃各賦稍優詩平詔並直集
賢院抃仍轉太常丞以獻所業命試十一月三日舍

人院試校書郎知崇州靜海縣張宗古賦稍優詩稍堪
詔為大理寺丞館閣校理以參知政事王隨薦命試
景祐元年閏六月二十八日舍人院試前西京留守推
官歐陽修賦優詩稍堪詔為鎮南軍節度掌書記充館
閣校勘以樞密使王曉薦命試 九月十九日舍人院
試山南東道節度掌書記尹洙賦三上詩三下詔充館
閣校勘以樞密使王曉薦命試 二年二月五日舍人
院試都官員外郎充崇政殿說書賈昌朝賦三上詩三
下詔直集賢院以上春秋要論命試 六月七日學士
院試祕書丞盛中甫賦三上詩三下詔充集賢校理中
甫先在館閣校勘書籍有詔候及三年至是歲滿命試

八月五日學士院試太常博士范宗傑賦三上詩三下
詔充秘閣校理以父戶部侍郎知永興軍雍陳乞改命
試 九月二十七日學士院試將作監丞王拱辰賦詩
並三上詔為著作郎直集賢院以獻所業命試 三年
四月十三日學士院試太子中允秘穎賦詩並三上詔
充集賢校理以知應天府夏竦御史中丞杜衍薦命試
十月三日學士院試秘書丞館閣對讀書籍張充賦
三上詩三下詔充集賢校理充宰相李迪壻自陳對讀
書籍已二年詔更候一年至是歲滿命試 十二月九
日舍人院試鎮安軍節度掌書記楊儀賦三上詩三下
詔充館閣校勘 四年二月二十九日學士院試將作

監丞楊察賦詩並三上詔為著作郎直集賢院以獻所
業命試 閏四月十五日學士院試大理寺丞王繹賦
三上詩四上詔充秘閣校理以獻集賢殿秋宴百僚頌
命試 五月二十三日學士院試祠部員外蘇蘇紳策
論並三上將作監丞富弼策三上論三下詔紳為刑部
員外郎直史館弼為太子中允直集賢院紳上時政書
五卷弼獻所業命試 寶元二年五月十一日學士院
試大理寺丞刁約賦三下詩三上詔充館閣校勘以判
天雄軍呂夷簡薦命試 康定元年九月五日學士院
試著作佐郎蔡襄賦三下詩四上大理評事陳經賦詩
各三上詔並充館閣校勘經以宰臣張士遜襄以禮部

尚書知河南府宋綬薦命試 二年七日學士院試大

理評事陳搏古賦三上詩三下詔充館閣校勘 二年

二月四日學士院試殿中丞何中立賦詩並三上詔充

集賢校理以知陳州晏殊薦有詔候再任替回命試

三月二十二日舍人院試殿中丞韓綜賦詩並三上詔

充集賢校理以宰臣呂夷簡薦命試 五月十一日學

士院試太常博士李惇裕賦詩並三下詔以惇裕是李

至姪男曾應拔萃八等特除祕閣校理以獻所業命試

八月七日學士院試屯田員外郎曾公亮試詩三上

詔充集賢校理公亮獻所業有詔候及一年至是歲滿

命試 十月二十七日學士院試將作監丞呂湊賦詩

三上詔為著作郎直集賢院以獻所業命試 慶歷二年二月六日學士院試大理評事李絢賦詩三上詔為太子中允直集賢院以獻所業命試 九月一日學士院試太常博士孫甫秘書丞楊孜並賦三上詩三下詔並充秘閣校理甫以樞密副使杜衍孜以宰臣呂夷簡薦命試 三年九月二日學士院試著作佐郎國子監直講朱宋賦詩三上詔充集賢校理以樞密副使王堯臣薦命試 四年二月八日學士院試秘書丞孫錫大理評事蘇舜欽賦詩並三上詔充集賢校理以參知政事范仲淹薦命試 三月十一日學士院試兵部員外郎掌禹錫秘書丞張揆賦詩並三上詔充集賢校理禹

錫以樞密副使任衍揆以宣徽南院使夏竦薦命試

五月一日學士院試殿中丞王益柔論三上詔充集賢

校理以參知政事范仲淹薦命試 八月六日學士院

試太常丞章岷論三上殿中丞晁仲衍賦詩三下詔岷

充集賢校理仲衍充秘閣校理岷以參知政事范仲淹

薦仲淹獻所業並命試 五年五月七日學士院試大

理寺丞充國子監直講范鎮賦三上詩三下詔充館閣

校勘以資政殿學士王舉正薦命試 十一月二十五

日學士院試大理寺丞國子監直講邵必大理寺丞李

中師賦詩各三上詔並充集賢校理必以刑部尚書晏

殊中師以宰相陳執中薦命試 六年十月七日學士

院試大理評事王珪賦詩三上詔為太子中允直集賢
院以獻所業命試 七年二月十四日學士院試太常
博士林槩賦詩三上詔充集賢校理翰林丞旨丁度等上
槩著史論辨國語命試 二十七日學士院試屯田員
外郎陸廣秘書丞田諒詩三下賦二上詔充集賢校理
廣以參知政事丁度諒以判大名府夏竦薦命試 七
月二十二日學士院試大理評事賈章賦詩三上詔充
館閣校勘 八月二十五日學士院試太子中允韓絳
賦詩三上詔為太常丞直集賢院以獻所業命試 八
年三月二日學士院試大理寺丞國子監直講吳充賦
詩三上詔充集賢校理以獻政本書十卷命試 七月

七日學士院試殿中丞王起將作監主簿鞠真卿賦詩
並四上詔充館閣校勘以宰臣文彥博薦恩州城下勤
勞命試 十四日舍人院試殿中丞李大臨賦三下詩
三上大理寺丞沈康賦三上詩三上詔並充秘閣校勘
大臨以宰臣文彥博康以判大臣府賈昌朝薦並命試
九月二十一日學士院試光祿寺丁諷賦詩三下詔
充館閣校勘以父度罷叅知政事恩陳乞故命試 十
一月十七日學士院試大理寺丞國子監直講司馬光
賦詩三下詔充館閣校勘候二年除校理以知知政事
龐籍薦命試 皇祐二年正月二十七日學士院試太
常博士馮浩賦詩三上詔充集賢校理以宰臣文彥博

薦命試 四月十二日學士院試屯田員外郎柳澥賦
詩三上詔充集賢校理通判鄭州以判鄭州賈昌朝薦
命試 八月十三日學士院試將作監丞賈黯大理評
事謝仲弓賦詩並三上詔黯為著作郎仲弓為太子中
允並直集賢院以獻所業命試 三年三月二十七日
學士院試職方員外郎王疇賦詩三上詔充集賢校理
以宰宗庠薦命試 四月二十六日學士院試大理評
事劉敞賦詩三上詔為太子中允直集賢院以上所業
召試 九月二十一日學士院試屯田員外郎張師中
太子中允陸誥賦詩三上詔師中充祕閣校理誥充集
賢校理師中以某人薦誥以判大名府賈昌朝薦命試

四年四月二十五日學士院試太常博士胡俛賦詩
三上詔充集賢校理以叅知政事高若訥薦命試
五年八月七日學士院秘書郎馮京賦三上詩三下著作
佐郎沈遘賦詩三上詔並為太常丞京直集賢院遘充
集賢校理以上所業命試 十月二十一日學士院試
著作佐郎錢公輔賦三上詩三下詔為太常丞充集賢
校理以上所業命試 至和元年五月二十七日學士
院試屯田員外郎韓宗彥賦三上詩三下詔充集賢校
理以宰臣陳執中薦命試 七月八日學士院試大理
寺丞蘇頌賦詩上詔充館閣校勘翰林學士楊偉等上
頌父紳家集命試 二年正月二十一日學士院試職

方員外郎李及之北京留守判官周豫賦三上詩四下
詔及之充集賢校理豫充館閣校理及之獻君臣龜鑑
豫以宰臣陳執中薦命試三月二十六日學士院試
太常寺士王權賦詩三上詔充集賢校理以宰臣執中
薦命試五月二十九日學士院試太常博士王哲賦
詩三上詔充集賢校理以上春秋通義具義解皇綱論談論
四十九卷命試三年五月六日學士院試殿中丞李
綖賦詩三下詔充秘閣校理以宰臣文彥博薦命試
嘉祐元年十二月二十四日學士院試殿中丞張洞賦
詩三下詔充秘閣校理以觀文殿大學士晏殊薦命試
二年七月二十四日學士院試職方員外郎林億光

祿寺丞劉瑾賦詩詔億充秘閣校理瑾充館閣校勘
億樞密使高若訥塔以罷政府恩陳乞瑾宰臣沆之子
先是沆監護溫成皇后園陵畢固辭恩眷而為瑾陳乞
有詔候二年至是並命試十月七日學士院試秘書
丞陳襄賦詩三下詔充秘閣校理以宰臣富弼薦命試
十一月十四日舍人院試前西京留守推官陳繹賦
三上詩三下詔充館閣校勘以樞密副史梁適薦命試
十二月二十三日學士院試太常博士吳及詩賦三
下詔充秘閣校理以觀文殿大學士劉沆薦命試三
年五月十五日學士院試大理評事滕甫賦詩三下詔
為太子中允集賢校理以獻所業命試十一月二日

學士院試將作監丞鄭獬賦詩三上太常博士蔡抗賦詩三下獬為著作郎直集賢院抗本官充祕閣校理獬獻所業抗以樞密副使孫沔薦命試 閏十二月二十

六日學士院試大理評事楊繪賦三下詩三上詔為太

子中允集賢校理以獻書意詩旨春秋辨要十卷命試

秘書丞陳薦賦三下詩四上詔充祕閣校理同職以薦為以樞密使鄭瑄為命試四年五月十七日學士院試太常丞文同 九月三

日學士院試屯田員外郎徐綬賦三下詩四上詔充集

賢校理以翰林學士承旨孫抃等薦命試 八日舍人

院試太常博士裴煜賦三下詩三上詔充祕閣校理以

觀文殿大學士劉沆薦命試 五年二月一日學士院

試太常博士張瑗賦四上詩三下詔充祕閣校理以獻

所業命試 三月十八日學士院試都官員外郎王昇
賦詩四上詔充秘閣校理以獻所業命試 八月十七
日學士院試殿中丞孫坦賦三下詩四上詔充秘閣校
理以獻周易析蘊十卷命試 六年四月八日學士院
試大理寺丞竇卞賦三上詩三下詔為太子中允充集
賢校理以獻所業命試 十一月二十一日學士院試
祕書郎章衡賦三上詩三下詔為太常丞直集賢院以
獻所業命試 八年正月二十二日學士院試祕書丞
李育賦詩三下詔充秘閣校理以獻所業命試 英宗
治平三年二月四日學士院試殿中丞蘓軾策優詔直
史館以制科特旨命試 九月十三日學士院試太常

博士鄭雍賦詩三下詔充祕閣校理以獻所業命試
十一月六日召權提點陝西刑獄尚書度支員外郎蔡
延慶等十人就試館職初帝謂輔臣曰館閣所以育
雋才比欲選數人出使無可者公等為朕各舉才行兼
善者數人雖親戚世家勿避朕當親問可否於是韓琦
魯公亮歐陽脩趙槩所舉二十人皆令召試宰臣以為
人多難之帝曰既委公等舉苟賢豈患多也時被薦者
蔡延慶夏倚王汾葉均劉攽章惇胡宗愈王存李常張
公裕王介蘓軾安燾蕭宗孟陳侂陳侔李清臣朱初平
黃履劉摯二十人令先召延慶等十人餘須後試以上
國朝會要 治平四年三月二十五日神宗己卯位未

改元學士院試祠部郎中陳汝羲詩賦中等詔充集賢
校理閏三月十一日御史吳申言竊見先召十人試
館職而陳汝羲亦預漸至冗濫兼所試止於詩賦非經
國治民之急欲乞兼兩制薦舉仍罷詩賦試策三道問
經史時務每道問十事以上通否定高下去留其先召
試人亦乞用新法考試詔兩制詳定以聞其後翰林學
士承旨王珪等言宜罷詩賦如申言於是詔自今館職
試論一首策一道二十八日學士院試著作佐郎胡
宗愈太常丞張公裕殿中丞李常屯田員外郎劉攽著
作郎王存詩賦入等詔宗愈充集賢校理公裕常並充
館閣校勘建徽寺並先朝閣校勘宗愈等皆以先朝得旨召試故也九月

神宗熙寧元年
以下廿七字
複文

六日學士院試屯田員外郎王汾賦詩中等詔充秘閣
校理汾以先朝得旨召試故也十一月二日學士院
試秘書丞韓忠彥賦詩入等詔充秘閣校理忠彥以父
琦罷相恩命試神宗熙寧元年八月二十六日詔今
後試館職只試策論更不試詩賦二年六月二十八
日學士院試職方員外郎王介太常博士安壽策論稍
優著作郎蒲宗孟陳侂光祿寺丞朱初平策論稍堪讓
介燾充秘閣校理餘充館閣校勘介等皆先朝得旨召
試故也三年四月二十三日學士院試虞部員外郎蔣
稅秘書丞陳睦秘書郎李清臣江寧府推官劉摯策論
優詔稅睦清臣並充集賢校理摯充秘閣校勘稅等皆

先朝得旨召試故也 四年四月二日學士院試太常

丞許將策論入等詔充集賢校理以獻所業命試 五

年十月八日學士院試光祿寺丞黃履策論入等詔充

秘閣校勘履以先朝得旨召試丁憂服闋始命試之

哲宗元祐元年十月十四日詔應試中館職者內選人

除正字改官請俸並依太學博士法十二月六日朝奉

郎畢仲游趙挺之並為集賢校理承議郎行軍器監丞

孫朴承議郎行太學博士梅灝奉議郎張舜民奉議郎

禮部編修貢籍趙叡並為秘閣校理宣德郎詳定役法

所管勾文字李籲承議郎盛次仲並為秘書省校書郎

試太學錄張耒試太學正晁補之河南府左軍巡判官

禮部編修貢籍劉安世和州防禦推官知常州晉陵縣丞李昭玘宣德郎陳察並為秘書省正字仍今後除校理已上職並出告以學士院召試充選也二年二月八日朝奉郎孔平仲為集賢校理奉議郎劉唐老為秘閣校理以召試學士院皆中格也三年七月十八日詔應大臣奉舉館職並依條召試除授其朝廷特除不用此令以上續國朝會要